



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gasparis Lechneri E Societate Iesv Theologi. Sodaliv Parthenivv. Siue Libri Tres Qvibvs Mores Sodalivm Exemplis Informantvr

Lechner, Kaspar

Dilingæ, 1628

VI. Bona fortuna Sodalium seruantur.

[urn:nbn:de:hbz:466:1-51916](https://nbn-resolving.org/urn:nbn:de:hbz:466:1-51916)

dam Beatissima Virgo. *Hoc age, inquit, rem mihi gratam prestas: nec ego tibi usquam deero.* Hoc viso territus exhilaratusq; auidè Sodalitium ambit, diuque exercitus, tandem morum probitate euicit, vt adscriberetur. Atque insignis morum commutatio fidem fecit, eum maiore, quam humano eloquio ad frugem pertractum fuisse.

CAPVT VI.

BONA FORTV- næ Sodalium seruantur.

Bona Fortunæ incerta sunt, & cum rota deuoluuntur: neque eorum iactura tanti facienda est, vt virum fortem mouere debeat. Quia tamen sine illis vita hæc ægrè ducitur, moderatus eorum quæstus improbari non potest. Quo in genere Sodalibus suis B. Virgo nunquam defuit, vt sequentia exempla patefacient.

I. Nea-

I. Neapoli Sodalitatis pro suis familiaribus ære alieno pressis sponsor factus, cum nexui tradendus esset, Cœli Reginam auxilium poposcit; sensit: nam subito sex creditorum animus ita immutatus est, ut communi mente debitum remisissent.

Ære oppressis levantur.

CIO. IO
LXXXIIX

II. Ibidem Opificum quoddam est Sodalitium Christianis officijs imprimè addictum. Sodales ad cæteras suas exercitationes adiecerunt, ut è Diuis aliquem vniuersæ familiæ tutelarem in singulos annos ex aluelo sortiantur. Eius imaginem pro sacello statuunt, opem arctis in rebus implorant, & cœlesti refecti pabulo ferias agunt. Quam eorum Religionem diuina Beneficentia cumulatè rependere videtur. Ferunt enim aliquot tenues & ab opibus imparatos, ex quo Sodalitium inuere, fortunis instrui captos: ut desertoribus ex aduerso disfluere, quæ congesserant, quotidianum doceat experimentum.

Ditescunt.

CIO.

IOCX.

III. Ex alia ibidem Sodalitate piscator cum aliquando maximis ex-

antlatis laboribus ne pisciculum quidem inclusisset, ad Tutelarem Sodalitij sui Patronam confugit, eique bibrarem ex opere cereo facem spondit, si mille pondo piscium vno iactu attraheret. mirum dictu: Reti explicato quadruplo maiorem, atque optarat, prædam è mari cœpit. Ita non semper quod à diuis petitur, nimium videri debet: nunquam enim eorum libertatem vota nostra exquant. Similem fortunam alteri obtigisse supra retuli.

I. I. c. 6.

§. 14.

*A iactu
ra seruā-
tur.*

C19.

10C111.

IV. Bisuntini itidem duo Sodales præfens in re aduersa præsidium in sua Patrona repererunt. Nam cum ingens in ciuitate exortum esset incendium, ædesque iam duodecim conflagrassent, & proximus arderet Vealegon, iam iamque flammæ eorum tectis imminerent, repente ventus ab alia parte exortus malum ab illis auertit.

*Amiffa
reperi-
untur.*

V. Illud quoque admirationem habet quod sequitur. Adolescentulus è Mutinensi Sodalitio cum suis

rus

rus profectus, domi precatorios globulos, quos quotidie percurrere solitus est, obliuione reliquit. Ne verò eam cōsuetudinem omitteret, à matre petit, vt suos det vtendos: aufert; vtitur; in sacculum, vti putat, recondit. Ludenti postea cum æqualibus, puerili vt fit incuria, excidunt, nec sentienti, nec primò memori. Vbi post aduertit, quia magni erant precij, sollicitè quærere: deinde vbi non reperit, dolere, angi, matris iram vereri, denique ad B. Virginis opem decurrit. Pij clientuli tam seduli precibus permota Virgo, nocte se illi per quietem admirabili ornatu ac splendore offert. compellat hominem vltro, de Rosario consolatur, locum, vbi sit ostendit. Experrectus eodem in loco, qui ostensus fuerat, rem amissam reperit.

VII. Ferè puerilè est quod sequitur: proferam tamen, quia Patrona nostra vile nihil putat, quo nobis profit. Tholosanus adolescentulus puerili simplicitate Votum B. Virginis

*Vincunt
in agone
literario.
C13. 13CX.*

gini fecerat, si in publico Agone literario præmium referret, delaturum, se ad eius ædem libellum inauratum, quem retulisset. Tres reportauit; votumque quaecumque soluit. Quod
 CIO. Iocviii. Camberij quoque euenit. Nam è tertia classe Sodalis cum vix benè nouisset, quid in versu esset positio, implorat ad componendum Virginis opẽ, præmium publicum pro suã potestatis elegantiã recepit. Hinc ad ea beneficia, quæ corpori commoda sunt gradum faciamus.

CAPVT VII.

VITÆ PERICVLIS eripiuntur Sodales.

A Pollinem Alexicacon vetustas sibi finxit ac coluit, & errore misera & malis nunquam erepta. Quanto feliciores sua Virgine sunt Sodales, quæ quia Dei Mater est, malis omnibus remedium opemque adferre potest; & vult, quia benigna est:

vt